

東華續錄

乾隆七十八

臣王先謙敬編

臣周潤論著恭校

秋七月戊午朔諭軍機大臣等美諾明郭宗等處地方緊要海關等帶兵駐紮清釐一切地方勦殺賊衆辦理接續臺站事務皆合機宜前經降旨令海蘭察暫駐美諾辦事俟阿桂回美諾後海蘭察再帶兵攻勦今閱伊等奏摺南路一帶之賊額森特等已經痛殲前進而留兵看守之橋仍被賊占雖因留兵數少不能抵禦以致被奪但額森特等去時業將賊衆俱行勦殺並燒毀寨落則此項賊番又從何來或於勦殺時躲避伊等等路後復出侵擾乎抑或他處賊番來奪此橋乎今普爾普自沃克什帶到貴州兵三百名卽派其前往奪橋殺賊普爾普人誠實漢仗亦好海蘭察等

酌量領兵接應所辦甚是至沃克什土司與兩金川素有仇隙雖自當固守地方但力弱不能禦賊今防守沃克什之事僅劉秉恬一人前往恐不能濟事著海蘭察與滿洲領隊大臣侍衛等擇其曾經歷練之人派令前往方爲有益○己未定順天府府尹府丞等官缺出開列凡籍隸直隸人員俱回避例○庚申豐昇額奏據知府盛英稟稱綽斯甲布土司工噶諾爾布告稱聞索諾木潛使人誘約三雜谷土司令於智固山一路截斷宜喜糧臺隨行知五福官達色李天佑實力嚴防並獎勵各土司令其照前出力並嚴守智固山地方仍札諭優獎工噶諾爾布示以信任之意令其派人探聽隨時報聞又沃克什土司色達克拉所屬人衆俱隨溫福大營所餘惟有婦女老幼已飛咨富勒渾妥爲查辦諭軍機大臣等豐昇額此次調度均屬合宜不意其竟能如此爲之稍慰逆酋

潛謀斷路實屬可恨計其爲時已久尙無動靜自可以保無虞然究當留心防範至沃克什一路關繫緊要已早諭富勒渾等酌派將領帶兵往駐今豐昇額所辦與朕意適合且計其移咨日期在朕降旨之前富勒渾接到卽辦自更妥速目今急務惟盼阿桂速至美諾整兵勦賊恐阿桂以退兵爲嫌不肯輕撤然朕自六月二十三口至今已屢次詳悉傳諭阿桂自應遵旨回兵美諾迅卽勦復布朗郭宗盡殲羣賊郭清小金川見在之事無有要於此者旬餘以來盼望阿桂信息至屬寢食阿桂當善體朕意將此一併傳諭知之○諭美諾明郭宗已俱失守海蘭察見退至日隆駐兵防守賊衆竟敢如此猖獗殊堪痛恨總由營中未派滿洲兵無可倚恃致屢爲怯懦不堪之綠營所誤實切憤懣此時急務惟接濟阿桂爲要美諾之路旣斷阿桂南從原路退出自應速由達烏一帶

回至章谷已有旨令富勒渾博清額普爾普德成四人帶兵往迎阿桂前飛諭圖思德將續調之黔兵一千星速起程過進徑赴打箭爐一帶接應阿桂奉到此旨卽速整兵由章谷一路退出毋稍遲疑至僧格宗爲當噶爾拉至章谷要路阿桂前奏已派兵嚴守昨額森特伍岱復自美諾勦洗河南一帶賊寨與阿桂通路想已至僧格宗守住或當酌從深嘉布等處經由巴旺布拉克底一路而出阿桂自能妥酌辦理此時總以阿桂整軍而出爲要他事皆可緩商也至豐昇額等一路前已屢降諭行令其撤兵赴大板昭勦殺賊衆前斷賊番後路今美諾等處旣不能守賊勢方熾豐昇額等不宜復往大板昭一路勦賊計伊等接奉前旨自己起程若仍由正地一帶原路退回恐太迂遠自應由黨壩三雜谷一路回至巴朗拉等處暫駐但須於撤兵時辦理妥密毋致綠營輕動並

諭各土司等此時雖暫撤兵俟新派之滿洲勁旅到齊卽分路另
籌進剿仍須至該處進兵該土司等毋庸稍有疏懈如此方爲妥
協阿桂等卽將何日退兵迅速加緊覆奏以慰注念○癸亥諭軍
機大臣等阿桂奏當噶爾拉軍營防剿賊匪情形所辦俱合機宜
朕心稍慰賊匪敢於如此猖獗阿桂見在鼓勵衆心尙能堅守兩
三月其志甚屬可嘉但美諾已不能守海蘭察俱撤兵退至日隆
阿桂卽在當噶爾拉駐守亦難急圖攻剿而小金川之地又難卽
時克復且賊勢方熾我力稍單阿桂自應速由章谷一路整兵而
出爲要是以前日一聞海蘭察退回日隆之信卽傳諭阿桂迅速
由章谷退兵且俟新派京兵及續調陝甘雲南湖廣各省綠營兵
到齊另籌分路進剿並諭富勒渾博清額普爾普成德帶兵往迎
阿桂今復授富德爲參贊大臣諭令先行馳驛兼程赴川如遇新

派之西安駐防兵二千及自請赴營之成都駐防兵五百並貴州續調之一千兵湖南已經起程之二千兵有可帶往者卽速帶領前赴章谷迎接阿桂並令色布騰巴勒珠爾亦按程趕赴成都俟有陸續兵到卽行帶領由打箭爐前往接應但看阿桂之意不肯輕退者必因營中兵力不足在外又無應援若卽於撤兵恐綠營軍心易動而賊人轉得伺我之隙在後追躡所籌亦是今富勒渾等及富德接續到彼官軍聲勢漸盛阿桂自當趁伊等到後卽將當噶爾拉軍營料理周妥與富德等內外夾攻以次整兵而出回至內地方慰懸注至豐昇額等一路朕心亦深慚念前諭其移兵往勦大板昭之賊昨聞美諾退兵一事復諭令卽帶兵由黨壩三雜谷一路回至巴朗拉若此旨到時豐昇額等尙在宜喜則自彼由革布什咱巴旺布拉克底之境至當噶爾拉軍營較爲徑捷豐

昇額等就該處見在情形斟酌萬全行之再成德一員前已有旨補授川北鎮總兵所有鎮遠鎮總兵員缺著阿桂另揀軍營出力之員奏請補授至所請調兵之摺於阿桂未經奏到之時已分別派出其山西兵路既遙遠且亦不甚得力自可無庸調往今通計所調兵共一萬七千軍勢亦可大振統俟到川後阿桂等悉心妥議另籌分路進剿迅奏膚功○吏部議准江西巡撫海成奏稱贛州府屬定南縣地處萬山界連江廣政繁事劇向設知縣不足以資彈壓請裁定南縣知縣一缺將贛州府同知移改爲定南廳從之○甲子命舒赫德爲武英殿大學士兼刑部尚書調阿桂爲戶部尚書以永貴爲禮部尚書○丁卯諭前聞溫福在木果木軍營倉卒遇變臨陣捐軀特加恩賞給一等伯爵世襲罔替嗣據劉秉恬奏初九日未申時忽有客民二三千並匠役人等奔起登春詢

稱木果木礮局已被賊番搶劫大營四門關閉客民無可依倚因各散回初十日賊番悉衆湧至斷截大營水道綠營兵紛紛潰散遂致失事等語是溫福軍營民散在前兵潰在後實係溫福未能先事豫防所致營中礮火係三軍之命若聞賊擾而助郭宗之信早派精兵嚴守後路防護礮局何至爲賊搶劫而客民匠役數千亦當收之營內爲彼護持卽備人數以助軍威亦無不可斷無堅閉營門聽其散去之理既示賊人以弱且致搖惑衆心則溫福之倉皇失算其死乃由自取今復據海蘭察富勒渾等查奏溫福軍營陣亡文武大小各員多至數十人而將弁兵丁之未出者至三千餘人此皆溫福乖方債事以致折將損兵使其身尚在卽當立正典刑以申軍紀豈可復膺五等之封所有賞給伯爵者銷去但念其究係陣亡仍著交部照例議卹其應得何世職卽令伊子承

保承襲至劉秉恬身任總督令往美諾彈壓又令其移駐後拉角克往來巡防並因董天弼懦弱無能屢諭劉秉恬隨時體察儘不實心出力即據實嚴參治罪乃劉秉恬於美臥溝要隘並不及早奏請調兵駐守設法嚴防而於董天弼退居美諾經溫福嚴飭始回底木達劉秉恬又並不查參及董天弼另立一小營不在官寨同衆兵駐守賊匪因得伺隙竄入劉秉恬亦於事後始行奏及是美臥溝之失守致賊匪侵占肆擾皆由董天弼所誤實屬死有餘辜而平時措置失宜又復漫無覺察釀成事端劉秉恬之咎亦實無可追前降旨將伊革去總督仍賞按察使銜任軍營隨同辦事尙不足以抵其罪劉秉恬著革職留於軍營自備資斧效力贖罪如不知感激愧奮復有貽誤一經將軍總督等奏聞卽行正法示衆至德爾森保係專駐木果木後山防守之人乃不能實力防禦

致賊匪衝突溫福大營兵潰失事況德爾森保前隨明瑞重營已獲重譴復經棄瑕錄用仍不知改悔奮弛誤事若此其罪與董天弼等不能因其已死曲爲原宥著將伊子拏交刑部治罪並將家產查抄以爲負恩失律者戒所有提督馬全牛天昇皆係出力有用之人副都統巴朗阿爾素納屢經勇往立功今皆力戰死事實堪軫惜馬全牛天昇著交部照豆斌之例議卹巴朗阿爾素納著照扎拉豐阿之例議卹仍查明伊子交御前大臣帶領引見候朕另降諭旨總兵張大經雖未著有勞績而效命亦殊可憫著照高天喜之例酌減議卹其餘陣亡武職兵丁及被害文員著將海蘭察富勒渾查到原單交該部查明均照陣亡例一體議卹此等沒於王事之人在國家雖有優卹旌褒渥典以慰忠魂而自將領至兵丁三千餘人同時陷歿不惟心惻亦且顯報國家百餘年用兵

多矣從無此事然溫福軍營潰出之兵經海蘭察等收集者尙有一萬數千是其隨征將士幾及二萬兵力不爲不足何以賊番一
至手足無措潰散竟至於此總因營中無滿洲兵可爲倚恃遂使
綠營懦卒驚潰無存亦由溫福等倡議不用京兵所誤是溫福之
失策債賴實不能復爲之諱而朕之誤任溫福又誤信其不發勁
旅悔已無及惟有引咎自責而已朕之誤任溫福原因其於軍務
尙曾經練此外別無可任之人當阿爾泰等屢次因循玩誤不可
不急爲整頓遂命其中滇入蜀代阿爾泰統兵伊甫至軍營卽攻
克巴朗拉收復達圍等處軍勢大有起色因卽授以將軍伊亦頗
知感奮初不料其昧於馭下疏於自防敗績喪師輕以身殉卽起
溫福九原而問之伊亦無能自解非朕於事後諉過臣下也至於
征勦金川並非朕有意窮兵黷武念朕平定西域拓地二萬餘里

武功已赫濯矣豈復不知足矧此最爾蠻貊久授土職卽盡剗平其地較之開闢西陲不及萬分之一何足言功朕又有何貪冀而必欲不吝帑金不恤士卒不憚焦勞決計爲此乎總因從前莎羅奔郎卡侵擾鄰疆其罪已不可追及命將申討爾曾卽窮蹙乞降朕特格外包容宥其一死仍令備職土司乃郎卡野性難馴未及十年卽與近境土司時相侵奪屢經督臣等調停完事朕亦槩免深求不欲復因蠻觸相爭勞師勦衆卽此次爾逆酋滋事之始經阿爾泰等奏聞朕仍聽督提等往彼誠諭息爭不肯輕煩兵力及至前歲夏間阿爾泰始將僧格桑不受教約復攻占沃克什官寨擄其人口並侵明正土司境壤而索諾木亦占踞革布什咱之地戕其土司各情節奏聞並稱爾逆酋狼狽爲奸鳴張無忌非復能以口舌化導不可不懾以兵威乃逆酋黨惡梗化公然抗拒王師

實難再爲遷就朕方深悔前此之姑息貽患若復置之不問必至
衆土司盡爲蠶食流毒無窮此實不得已而用兵之苦心軍機大
臣日在朕左右承旨皆所深知且屢經宣諭再三諒亦人所共曉
若謂朕飾詞愚衆吾誰欺欺天乎此時若再姑息了事何以服衆
土司之意且何以慰死事者之心卽謂溫福毫無調度自喪其軀
不足深惜而馬全等將佐官員及三千餘士卒之委命疆場儻不
爲之報仇雪恨於心實有所不忍雖欲中止其可得乎朕自臨御
以來宵旰勤勞無日不以愛民爲念每遇災歉不惜數百萬金錢
粟米賑濟窮黎卽偶有用兵之事絲毫不累閭閻而且多方蠲緩
而於綜理讞牘雖匹夫匹婦之獄亦必折衷至當不使稍有含冤
如此大溫福軍營潰逃兵衆卽立置典刑亦不爲枉因其多至數
千若悉予駢誅實覺不忍特從寬槩免其死道配以示矜全而自

西師大功告成以來朕亦不敢意存自滿惟益兢兢業業懷持盈保泰之心返躬自問實可以俯對天下臣民仰邀 上蒼昭鑒者至於兩逆酋以內地土司敢於背恩反噬抗我頒行害我兵將罪惡貫盈實爲覆載所不容神人所共憤其滅亡自可立待今特派八旗及各省勁兵數萬並簡曾經立功之大臣等帶赴川省軍營與阿桂另籌進剿使我軍壁壘一新所向克捷掃穴擒渠以快人心而申國法著將此事原委及朕不欲用兵之本懷與此時不能已於征討之深意通諭中外知之○戊辰諭前據辦理四庫全書總裁奏請將進士邵晉涵周永年余集舉人戴震楊昌霖調取來京同司校勘業經降旨允行但念伊等見在尙無職任自當予以登進之途以示鼓勵著該總裁等留心試育年餘如果行走勤勉實於辦書有益其進士出身者准其與壬辰科庶吉士一體散館

舉人則准其與下科新進士一體殿試候朕酌量降旨錄用○癸酉阿桂明亮奏色木則之旁有古魯一處令參將富金保帶兵分駐賊番屢次侵擾俱被官兵擊退其往攻色木則之兵因賊番所據峭坐地勢較高雖節次攻撲究係仰攻不能得力惟晝夜嚴防使賊不能截斷僧格宗往來之路再策爾丹色木墨龍溝卡了翁古爾龍等處皆與金川接壤雖此一帶叛番均經殲戮其最關緊要之隘口亦撥兵防守而其閒道路叢雜前後左右皆可偷越此時最要事機莫急於撤出官兵先防後路官兵均可安全無恙而嚴守各隘尚可待續到之兵爲合力進攻之舉其後路中有前已經駐兵者加兵助守其前未駐兵者酌量安設且如章谷吉地等處亦卽爲綽斯申布後路於此一帶周防嚴密臣等與豐昇額信息相通彼此籌辦於事機頗爲有益因於二十五日陸續撤兵分

撥於思紐得里翁古爾薩阿仰及卡了邦科約咱索布章谷等處嚴防臣等帶滇兵一千六百於本月初一日親自斷後徐撤兵見在翁古爾薩思紐扼要地方暫爲存駐悉心籌辦以爲再進之計諭軍機大臣等連日盼望阿桂軍營信息甚爲懸切因屢諭富勒渾及富德等速往帶兵接應今阿桂自當噶爾拉軍營將兵陸續撤出在翁古爾薩等處暫駐朕心稍慰阿桂等業已全師而出而翁古爾薩至章谷一帶均經嚴加防守自可無虞逆酋以內地土司敢於如此鴟張尤屬神人共憤實爲天理所不容惡貫滿盈滅亡必速今已添派京兵二千吉林兵二千黑龍江兵一千頃據海蘭察奏又添派索倫兵一千合之西安荊州駐防兵各一千伊犁厄魯特兵一千是八旗勁旅有九千並選能帶兵之侍衛章京亦數十員又續派之雲貴陝甘湖廣等綠營兵催令赴川者共萬

餘名計其陸續到軍營通計二萬數百名阿桂卽當酌定章程另籌進剿一面妥辦一面奏聞至豐昇額等一路昨令馳赴阿桂軍營策應今阿桂旣已回駐翁古爾壘等處無庸豐昇額接濟軍營機宜移步換形不可稍涉拘泥亦非朕所能懸斷著傳諭豐昇額如未起程卽當駐宜喜軍營以備再進或已行至中途亦不妨帶兵仍回宜喜並可隨處諒知各土司以將軍見已整師而出滿洲勁旅及各路精兵十萬亦俱陸續調派卽日復籌進剿以此鎮撫衆番方爲妥協豐昇額等卽酌量該處情形一切與阿桂札商而行剿辦活仍令在八期拉一帶辦事文綬卽馳赴成都辦理兵行事宜並籌辦滇兵以及地方要務其挑關一帶卽令富勒渾前駐往來照料無庸再赴阿桂軍營又奏臣等因賊匪蔓延四出前敵旣不能驟進後路更復可虞正在籌辦聞據前敵屯土各弁稟稱